

罪孽端由州縣鄉土墳墓所在居住年代去處或罪法深重天未原赦者即流殊見世子孫災難自此而生乃北帝君統御鬼官鎮此山其中皆結黃精之炁而成官關官吏皆是古之帝王忠臣孝子有功者即為冥官皆黃衣素丹繡服常以七月七日校定世人善惡黑簿罪名上奏天府塵心不得警悟追事祖宗矣地官品秩各有等差焉

洞淵集卷之一

洞淵集卷之二

沖妙先生李思聰集

- 第一王屋山天壇峯絕頂高一百二十里洞周迴一萬里名小有清虛之天即杜仲玉及為小有天王清虛真人所理在洛京王屋縣
- 第二委羽山洞周迴一萬里名大有空明之天即司馬季主為大有真人所理係台州爾雅云應在海中
- 第三西城山高二千丈洞周迴三千里名太玄極真之天此即王方平真人所理在梁州成都府西一千里入西界
- 第四西玄山高二千七百丈洞周迴一千里名三玄極真之天即裴真人所治係華州人不可到入西界
- 第五青城大面山高三千六百八十八丈九尺洞周迴二千里名寶仙九室之天即竈真人所理黃帝曾問道希夷真君授希龍踏經之處在蜀州青城縣
- 第六天台赤城山高一萬八千丈洞周迴五百里名上清王平之天即桐栢王真人所理

葛玄仙公鍊丹得道處上應台宿故名曰天台在台州天台縣

- 第七羅浮山高三千六百丈洞周迴五百里名朱明耀真之天即蓬萊之島也堯時洪水泛海而來博於羅山二山相合故曰羅浮抱朴子葛洪鍊丹得道處在惠州博羅縣
- 第八茅山高一百七十丈洞周迴一百五十里名金壇華陽之天即古名句曲山因茅君鍊丹得道故曰茅山記云華陽洞天生黃金壇高百丈紫玉宮室皆上清真人遊息之地在昇州句容縣
- 第九林屋山洞周迴四百里名尤神幽墟之天一名色山在太湖水中夏禹治水平後藏靈寶五符於此洞中在蘇州
- 第十括蒼山洞周迴三百里名成德隱真之天徐來勒真人所治在處州
- 第一霍桐山高三千四百丈洞周迴三千里名霍林之天即鄭思遠韓衆許快真人為司命君所治在福州長溪縣
- 第二東嶽泰山高四千丈二尺洞周迴一千

里名蓬玄空洞之天此即太昊為青帝治東嶽主萬物發生考校死魂鬼神之所歷代帝王甄功封禪之嶽上應奎婁之精下鎮魯地之分係兗州奉符縣

第三南嶽衡山高四千一十丈洞周迴二千

里名未陵太虛之天即神農赤帝治南嶽昔上帝降玉冊寶印賜生真君永鎮靈嶽即吾皇比壽之山上應翼軫機衡之精故為之衡下鎮楚地之分係衡州衡山縣

第四西嶽華山高七千丈洞周迴二千里名太極總仙之天即少昊為白帝治西嶽昔巨靈神手摩其上足踏其下以通流救民洪波之難仙掌之形粲然瑩自上應井鬼之精下鎮秦地之分係華州華陰縣

第五北嶽常山高二千九百丈洞周迴二十里名太一總玄之天即顓頊為黑帝治北嶽山名有五一日蘭臺府二曰列女宮三曰華陽臺四曰紫微臺五曰太一宮上應畢昂之精下鎮燕地之分主天下五穀番熟之司係定州常山縣

第六中嶽嵩山高七千丈洞周迴一千里名上帝司真之天即黃帝治中國土德分精黃老駐蹕生仙人貝多之株峭玉女織錦之臺石髓瓊環玉人金像上應柳星張之精下鎮周地之分係洛京登封縣

第七峨嵋山洞周迴三百里名虛靈大妙之天即天真皇人所治黃帝曾問道於此皇人授帝守三一經見傳於世嚴君平佐此山在嘉州峨嵋縣

第八廬山高三千九百丈洞周迴一千七百里名仙靈詠真之天古名天子三嶂山昔周武王時有方輔先生字君季跨白驢入山結草為廬舍鍊丹得道故曰廬山即王長趙昇二真人所治在江州潯陽縣

第九四明山二百八十峯洞周迴一百八十里名丹山赤水之天山有四門通日月星辰之光故曰四明秦皇驅山塞海鬼神勞役奔入四明洞不出因名鬼藏山在明州

第十陽平山在蜀郡繁縣界去成都一百八十里其山洞周迴三百五十里名極玄大元

之天禹穴藏書處

第十一太白山洞周迴五百里名真德之天即鬼谷子授蘇秦佐國之術處祠廟見在長安縣

第十二西山洞周迴六百里名天寶極真之天即洪崖先生鍊丹并修道及吳許十二真君拔宅上昇處在洪州南昌縣

第十三大圓山洞周迴三百里名好生玄上之天在潭州醴陵縣

第十四潛山洞周迴八百里山高一千丈名天柱司玄之天此左慈真人鍊丹得道處即皇朝聖祖九天司命大帝所治在舒州懷寧縣

第十五鬼谷山洞周迴七千里名太元思真之天即正一真人張天師鍊丹修道處在信州貴溪縣

第十六武夷山洞周迴一百二十里名昇化玄真之天即武夷君所理山高三百仞在建州建陽縣

第十七玉笥山高三十里周迴四百里名太

素法樂之天古名群玉峯漢武帝建壇授上清錄天降玉笥因而名焉即大秀天王所治漢九真人杜曇詠蕭子雲鍊丹上昇處在臨江軍新淦縣

第十八華蓋山洞周廻四百里名容城太玉

之天在温州永嘉縣

第十九蓋竹山洞周廻一百八十里名長羅

寶元之天即禹帝鎮此山及葛孝先真人所

理部先生得道處在台州黃巖縣

第二十都嶠山洞周廻一百八十里名寶玄

之天在容州

第二十一白石山洞周廻七百里名瓊秀長

真之天在容州

第二十二句漏山洞周廻三百里名玉關寶

圭之天即葛洪真人鍊丹處在容州北流縣

第二十三九疑山洞周廻三千里名朝真太

虛之天孔子為太極上真公所治即何侯真

人宅會虞舜分金液上昇處在道州延康縣

第二十四洞陽山洞周廻一百五十里名洞

陽隱觀之天在潭州

第二十五幕阜山洞周廻一百里名洞真太

玄之天在岳州平江縣

第二十六大酉山洞周廻一百里名大酉華

妙之天即堯時善卷先生宅唐張果先生修

道處在辰州

第二十七金庭山洞周廻三百里名金庭崇

妙之天在越州剡縣

第二十八麻姑山洞周廻一百五十里名丹

霞之天即南極王方平真人會麻姑於蔡經

宅上昇處在建昌軍南城縣

第二十九仙都山洞周廻三百里名玄都祈仙

之天即黃帝駕火龍上昇處在處州晉雲縣

第三十青田山洞周廻五百里名青田大鶴之

天即青牛道士得道處在處州青田縣

第三十一鍾山洞周廻一百里名朱湖太生之

天即馬明生所治在昇州上元縣

第三十二良常山洞周廻三十里名良常方會

之天即茅衷為保命真君所治許長史楊麻

真人全家得道在潤州茅山址

第三十三紫蓋山洞周廻八十里名紫玄洞

照之天在杭州餘杭縣

第三十四天目山有兩目左目高三千丈右

目高二千五百丈洞周廻一百里名太微玄

蓋之天在杭州

第三十五桃源山洞周廻七十里名白馬玄

真之天秦時有三千餘人入洞避難皆云得

道即黃矐真人鍊丹得道處在鼎州武陵縣

第三十六金華山高一千丈洞周廻五百里

名金華洞元之天即黃初平真人遇赤松子

叱石為羊得道處在婺州金華縣上應婺女

星故曰金華山

洞淵集卷之二